

Богдан ГАМБАЛЬ

Спільнота пам'яті – Горлиці, Руска Бурса¹

В п'ятницю, 28 квітня 2017 р., зачали ся лемківскы упам'ятніня 70. річниці акції «Вісла». В Чертіжнім, селі, котрого днес неє, была одслужена панихіда за жертвы депортації. Дальшы части п'ятницьовых упам'ятнінь проходили в Горлицях, в Рускій Бурсі.

До події в Рускій Бурсі долучили выселены в 1947 р., котрых спомины были записаны во фільмі *Аж і слезы не старчыли*, м.ін. Димитрий Сабатович і Ярослав Трохановскій. Пришли і дальшы гості з Підкарпатской Руси – о. Димитрий Сидор, настоятель кафедрального собору Христа Спасителя в Ужгороді доведна з женом, та о. Константин, спілоснователь порталю Русиньска Біблійотека.

В тій части упам'ятнінь проповід на тему: *Культуровы наслідства акції «Вісла» для Лемків* дала проф. Олена Дуць-Файфер з Ягайлоньского Університету. Потім проходила артистична част, в котрій выступил хор Роса з Устя Руского, яким диригувала Анна Дубец-Дильонг, а окрем того лемківску поезию о выселіню авторства Івана Русенкы, Павла Стефановского, Штефанії Трохановской, Володислава Грабана і Мелянії Собин рецитували Ксандра Косовска, Дарія Кузяк зо Заходу, Югаска Галчык, Фома Болех і Анна Шмайда з Лемковины та Моніка Тылявска і Севериян Косовскій – члены Руской Бурсы. По артистичній части авторы фільму

¹ Текст был опублікуваний на порталі ЛЕМ.фм+: <http://www.lem.fm/spilnota-pamyati-gorltsi-ruska-bursa/>, 30.10.2017.

Марія Сільвестрі і Джон Рігетті оповідали о роботі над своїм твором і дякували тым, котры причынили ся до фільмового запису найбарже трагічных подій русиньской історії XX ст. на обшыри Польщы. Творці запросили тіж на премерову емісію образу *Аж і слезы не старчыли/ Even tears were not enough*.

Наконец, зобраны могли зісти вечерю і долго вести бесіды на тему подій прикликаных в часі пятницьовых упам'ятнінь акції «Вісла» на Лемковині.

Фотографічна реляція Кшыштофа Кшыжановского





